

Pero si kier reuni riba condicion laboral insignur

Sindicato IOWUA no tin problema cu contratista Frances



ORANJESTAD – Sindicato di trahadonan den refinaria, IOWUA, a comenta riba e acuerdo cu Citgo Aruba a firma cu e contratista Frances Tecnip pa drecha e refinaria. Sinembargo nan ta mira

cierto cosnan cu ta haci cu nan kier sinta riba e condicion laboral insignur.

Nan ta mira cu tin actividadnan riba e tereno di refinaria cu por causa peliger. Tambe e sindicato ta mira trahadonan

den servicio di Venezuela cu ta gana un suma hopi abou, mientrastanto trahadonan local por haci e trabou aki. Pa motibo di esey e sindicato lo bay reuni cu su miembronan riba e puntonan aki.

E presencia di e compania



Frances, cu ta lidera un consorcio di companianan, entre nan tambe un compania Venezolano, no ta un problema pa IOWUA, segun lider di e sindicato aki, Boy Anthony. “Si nan a haya e contract bon pa mi.” E ta laga sa cu nan tabata na haltura di e proceso aki, te hasta tabatin otro compania interesa prome cu esun di Francia a gana e bid, ya cu basicamente tur trahado di Aruba interesa pa trahadon e refinaria ta wardando pa cuminsa traha, ya cu te aworaki no tin mucho movimiento.

Loke si e sindicalista a indica

ta cu e ehecutivonan of esunnan cu ta representa Tecnip, mester papia Ingles. Pasobra a base di experiencia propio den pasado cu otro compania Frances cu a bin realisa trabou na WEB, nan tabata asina arogante cu Frances so nan tabata papia. IOWUA ta spera cu gobierno bin cu e exigencia cerca nan cu Ingles nan tin cu papia na Aruba.

Otro punto relaciona cu compania di afo cu ta bin opera riba nos isla tin di haber cu na Aruba nos tin nos propio ley, y nan ta esunnan cu mester adapta nan mes na nos legislacion. Asina e lider a expresa su mes.